

BLASON DES CHEVEULX

Le paranymphe (1) Apollo cheveulx,
Voyant les gens par trop aventureux
A collauder (2) tous les membres du corps,
Et qu'ilz n'estoient des beaulx cheveulx recordz (3),
Desquelz sur tous s'en disoit dieu paré,
A, tout soubdain, ses muses préparé
Pour en former louenge à eulx condigne,
Comme à ceux-là qui font le corps plus digne
Que rien qu'il ayt : car sans cheveulx la dame
Ressembleroit une forest sans rame ;
Dont incité pour la dame honorer,
Son chef ainsi commence à decorer :
Cheveulx dorez, rayans sur le soleil,
Si tres luysans qu'ilz font esblouyr l'œil
Qui les regarde, et les voit coulerez
Non pas d'or fin, mais encor mieulx dorez
De je ne scay quelle couleur divine
Qui luyt en eulx et qui les illumine
D'une clarté diverse et dyaphane

(1) Qui guide, qui dirige le chœur des Muses, par allusion au sens antique. On sait que les Grecs appelaient *paranymphe* celui qui introduisait la mariée et qui présidait aux cérémonies de la noce.

(2) *De collaudare*, célébrer.

(3) *Etre records*, se souvenir (et qu'ils avaient oublié les beaux cheveulx.)